

# 卷七十

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始  
 有物而混成何元一之茫昧兮廓開闢而著形爾乃清  
 濁剖判玄黃判離太極既殊是生兩儀星辰煥列日月  
 重規疊軌動以尊地靜以卑尋明迭炤或盈或虧陰陽協  
 氣而謝寒暑隨時而推移三才殊性五行異位千變  
 萬化育庶類授之以形稟之以氣色表文采聲有音  
 無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本  
 撰者 明 劉節 輯  
 卷 卷七十  
 內容分類 集-總集-詩文  
 索書號 大木-集部-總集類-3  
 編號 D7920300

彩色首頁

東洋文化研究所漢籍目錄 編號: D7920300  
 東洋文化研究所漢籍目錄所藏漢籍善本文影像資料庫 索書號: 大木-集部-總集類-3  
 漢籍善本文影像資料庫文本廣文選八十二卷 嘉靖十二年序刊本  
 版權所有: 東京大學 東洋文化研究所  
 使用上的注意事項

是遵原伯非學而閔子知周之不振儒臣司典敢告在  
賓

廣文選卷第六十九

江都葛澗校

廣文選卷第七十

明通議大夫都察院右副都御史大庾劉節廣

箴下

太尉諸箴 四首

崔亭伯

天官冢宰庶僚之師師錫有帝命虞作尉爰叶台極安  
平國域制軍詰禁王旅惟式九州用綏群公咸治干戈  
載戢宿纏其紀上之云據下之云戴荷非其人歎我帝  
載昔周人思文公而召南詠甘棠昆吾隆夏伊摯盛商  
季世頗僻禮用不匡無曰我強莫余敢喪無曰我大輕  
戰好殺紂師百萬卒以不艾宰臣司馬敢告在際

河南尹箴

崔亭伯

茫茫天區畫冀為京商邑翼翼四方是營唐虞商周河



洛是居成王郊廓以處鶉墟諸夏勁強是從是橫徹我  
牆屋而師尹不匡霸奪其權宗器以分圖籍遷齊九鼎  
入秦

司徒箴

崔亭伯

天鑒在下仁德是興乃立司徒亂茲黎烝茫茫庶域率  
土祁祁人具爾瞻四方是維乾乾夕惕靡怠靡違敬敷  
五教九德咸事嗇人用章黔疇是富無曰余恃忘予爾  
輔無曰余聖以忽執政匪用其良乃荒厥命庶績不怡  
疾于爾祿豐其折右而鼎覆其餗書歌收肱詩刺南山  
尹氏不堪國度斯憊徒臣司衆敢告執藩

大理箴

崔亭伯

魏矣臯陶翊唐作士設為仵徃九刑允理如石之平如  
淵之清三槐九棘以質以聽罪人斯殛凶旅斯并熙入  
帝載勞施作明昔在仲尼哀矜聖人子罕禮刑衛人釋  
艱釋之其忠勲亮孝文於公哀寡定國廣門夙哉邈矣  
舊訓不遵主慢臣驕虐用其民賞以崇欲刑以肆忿紂  
作炮烙周人滅殷夏用淫刑湯誓其軍衛殃酷烈卒殞  
于秦不疑加害禍不反身嗟茲大理慎于爾官賞不可  
不思斷不可不虔或有忠能被害或有孝而見殘吳沉  
伍胥殷剖比干莫遂爾情是截是刑無遂爾心以速以  
極天鑒在顏無細不錄福善灾惡其效甚速理臣司律  
敢告執獄

東觀諸箴

三首

崔子玉

洋洋東觀古之史官三墳五典靡義不貫左書右行右

記其言辛尹顧訪文武明宣倚相見寶荆國以安何以  
季世咆哮不虔在強奮矯而戮彼逢干衛巫監謗國莫  
敢言狽突見斥淖齒見殘焚文坑儒羸及爲漢巫蠱之  
毒殘者數萬嗟嗟後王曷不斯鑒是以明哲先識擇木  
而處夏終殷摯周聃晉忝或笑或泣抱籍遁走三葉請  
公果喪厥緒宗廟隨夷遠之荆楚麥秀之歌億載不腐  
史臣司藝敢告侍後

尚書箴

崔子玉

龍作納言帝命惟允山甫異周實司喉吻赫赫禁臺萬  
邦所庭無曰我平而慢爾衡無曰我審而怠爾明四岳  
阿緜績用不成虞登八元五教聿清舉以無私乃忝服  
榮正直是與伊道之經先民匪懈永世流聲君子下問  
敢告侍後

司隸校尉箴

崔子玉

煌煌古制分劃五服翼翼糾畿四方之極牧監匡設是  
謂王國大漢通變崇弘簡易吞舟之網以濟難阨自時  
厥後或慢或遲繡衣四出禍起宮闈江克作亂辱于戾  
園率隸掘蠱以詰其姦既定旣寧爰遂其官俾督京甸  
時惟鷹鷂必正必式國之司直乃回乃邪寔爲讒慝毀  
於貞賢悔其何及昔唐虞晏晏庶績以熙羸氏慘慘怨  
毒用滋是故履上位者無云我貴苟任激訐平陽玄默  
以式百辟畫一之歌豈猶遐逝使臣司隸敢告執役

外戚箴

崔子瑋

赫赫外戚華寵煌煌昔在帝舜德隆英皇周興三母有

莘崇湯宣王晏起姜后脫簪齊桓好樂衛姬不音皆輔  
王以禮扶君以仁達才進善以義濟身爰暨衰葉漸已  
頽虧貫魚不敘九御差池晉國之難禍起於麗惟家之  
索牝鷄之晨專權擅愛顯已蔽人陵長間舊圯剝至親  
並后匹嫡淫女斃陳匪賢是上番爲司徒荷爵負乘采  
食名都詩人是刺德用不憚暴辛惑婦拒諫自孤蝮蛇  
其心縱毒不辜諸父是殺孕子是剗天怒地忿人謀鬼  
圖甲子昧爽身首分離初爲天子後爲人螭非但耽色  
母后尤然不相率以禮而競獎以權先笑後號卒以辱  
殘家國泯絕宗廟煒燁未嬉喪夏褒姒斃周妲已亡殷  
趙靈沙丘戚姬人豕呂宗以敗陳后作巫卒死於外霍  
欲鳩子身乃懼廢故曰無謂我貴天將爾摧無恃常好  
色有歇微無怙常幸愛有陵遲無曰我能天人爾違思  
生不德福有慎機日不常中月盈有虧履道者固伏勢  
者危微臣司戚敢告在斯

侍中箴

胡伯始

皇矣聖上神居天處勤求俊良是弼是輔匪懈于位庶  
工以敘昔在周文創德西鄰最聞上帝賴茲四臣辛尹  
是訪八虞是詢濟濟多士乂用有勳文公欽若越興周  
道亦惟先正克慎左右常伯常任實爲政首降及厲王  
不祗不恪暱彼榮夷用肆其虐惟敗天命寇賊並作圯  
墜宗緒寢廟靡託無曰我賢不選至親無曰我任妄用  
嬖人籍閔飾顏穢我神武鄧通擅鑄不終厥後中書竊  
命石弘作禍高安斷袂哀用無主侍中司中敢告執矩

贈第五未箴

高義方

文武將墜乃俾俊臣整我皇綱董此不處古之君子即  
戎忘身明其果毅尚其桓桓呂尚七十氣冠三軍詩人  
作歌如鷹如鷗天有太一五將三門地有九變丘陵山  
川人有計策六奇五間總茲三事謀則咨詢無曰已能  
務在求賢准陰之勇廣武是尊周公大聖石碣純臣以  
威克愛以義滅親勿謂時險不正其身勿謂無人莫識  
已真忘富遺貴福祿乃存枉道依合復無所觀先公高  
節越可未遵佩藏斯戒以厲終身

諫大夫箴

崔子真

於昭上帝迪茲既哲匪於水鑒惟人是察處有誦訓出  
有旅賁木鐸之求爰納道人各有攸訊政以不紛昔在  
蠲煦煦有讒人謗乃作不顧厥愆是討是格庶類不堪  
流之彘宅防人之口譬諸防川豈不速止潰乃滲爰滲  
爰尚塞言擁為賊默默之患用顛厥國諫臣司議敢告  
執翼

太師箴

嵇叔夜

浩浩太素陽曜陰凝二儀陶化人倫肇興厥初冥昧不  
慮不營欲以物開患以事成犯機觸害智不救生宗長  
歸仁自然之情故君道自然必託賢明茫茫在昔罔或  
不寧赫胥既往紹以皇羲默靜無文大朴未虧萬物熙  
熙不天不離爰及唐虞猶篤其緒體資易簡應天順矩  
絺褐其裳土木其宇物或失性懼若在予疇咨熙載終

禪舜禹夫統之者勞仰之者逸至人重身棄而不恤故  
子州稱疲石戶乘桴許由鞠躬辭長九州先王仁愛愍  
世憂時哀萬物之將頽然後莅之下逮德衰大道沉淪  
智惠日用漸私其親懼物乖離肇仁利巧愈競繁禮屢  
陳刑教爭施天性喪貞季世陵遲繼體承資憑尊恃勢  
不友不師宰割天下以奉其私故君位益侈臣路生心  
竭智謀國不吝灰沉賞罰雖存莫勸莫禁若乃驕盈肆  
志阻兵擅權矜威縱虐禍蒙丘山刑本懲暴今以脅賢  
昔爲天下今爲一身下疾其上君猜其臣喪亂弘多國  
乃殞顛故殷辛不道首綴素旗周朝敗度瓊人是謀楚  
靈極暴乾溪潰叛晉厲殘虐藥作難主父棄禮穀胎不  
宰秦皇荼毒禍流四海是以亡國繼踵今古相承醜彼  
所增故居帝王者無曰我尊慢爾德音無曰我強肆于  
驕淫棄彼佞倖納此逞顏諛言順耳染德生患悠悠庶  
類我控我告唯賢是授何必親戚順乃造好民實昏效  
治亂之原豈無昌教穆穆天子思問其然虚心導人允  
求謹言師臣司訓敢告在前

乘輿箴

潘正叔

易稱有天地然後有人倫有父子然後有君臣傳曰大  
者天地其次君臣然君臣父子之道天地人倫之本未  
有以先之者也故天生蒸人而樹之君使司牧之將以  
導群生之性而理物之情豈以寵一人之身極無量之  
欲如斯而已哉夫古之爲君者無欲而至公故有茅茨

所增

土階之儉而後之爲君有欲而自利故有瑤臺瓊室之  
多無欲者天下共推之有欲者天下共爭之推之之極  
雖禪代猶脫屣爭之之極雖刳殺而不避故曰天下非  
一人之天下乃天下之天下安可求而得辭而已者乎  
夫修諸已而化諸人出乎邇而見乎遠者言行之謂也  
故人主所患莫甚於不知其過而所美莫美於好聞其  
過若有君於此而曰子必無過唯其言而莫之違斯孔  
子所謂其庶幾乎一言而喪國者也蓋君子之過如日  
月之蝕過也人皆見之更也人皆仰之雖以堯舜湯武  
之盛必有誹謗之木敢諫之鼓盤杆之銘無諱之史所  
以閑其邪僻而納諸正道其自維持如此之備故箴規  
之興將以救過補闕然猶依違諷諭使言之者無罪聞







者鮮故漢有勳德武未盡善下世道衰末俗化淺耽樂  
逸遊荒淫沈湎不式古訓而好是佞辯不遵王路而覆  
車是踐成敗之效載在先典匪唯陵夷厥世用殄故曰  
樹君如之何將人是司牧視之猶傷而知其寒燠故能  
撫之斯柔而敦之斯睦無遠不懷靡思不服夫豈厭縱  
一人而玩其耳目內迷聲色外荒馳逐不修政事而終  
於顛覆昔唐氏授舜舜亦命禹受終納祖丕承天序放  
桀惟湯剋殷伊武故禪代非一姓社稷無常主四嶽三  
塗九州之阻彭蠡洞庭殷商之旅虞夏之隆非由尺土  
而紂之百剋卒於絕緒故王者無親唯在擇人傾蓋惟  
舊白首乃新望由鈞夫伊起有幸負鼎鼓刀而謀合聖  
神夫豈借官左右而取介近臣蓋有國有家者莫云我

聰或此面從莫謂我智聽受未易甘言美疾尠不爲累  
由夷逃寵遠於脫屣奈何人主位極則侈知人則哲惟  
帝所難唐朝既泰四族作奸周室既隆而管蔡不虔匪  
我二聖孰弭斯患若九德咸受雋又在官君非臣莫治  
臣非君莫安故書美康哉而易費金蘭有皇司國敢告  
納言

尚書箴

傅休奕

明明王範制爲九服君執常道臣有定職各有攸司又  
用不慝貴無常尊賤不指卑不明厥德國用顛危昔舜  
舉咎繇而雋又在官湯舉阿衡而不仁流屏且表正而  
象平日夕而景側處喉舌者患銓衡之無常不患於不  
明故曰無謂隱微廢公任私無好自專違衆取怨是以  
古之君子無親無疎縱心大倫修己以道弘道以身  
貴好爵書慎官人官不可妄授職不可闇受能者養之  
致福不能者弊之招咎衡臣司書敢告左右

學箴

李伯仁

老子云絕仁棄義家復孝慈豈仁義之道絕然後孝慈  
乃生哉蓋患乎情仁義者寡而利仁義者衆也道德喪  
而仁義彰仁義彰而名利作禮教之弊直在茲也先王  
以道德之不行故以仁義化之行仁義之不篤故以禮  
律檢之檢之彌繁而僞亦愈廣老莊是乃明無爲之益  
塞爭欲之門夫極靈智之妙總會通之和者莫尚乎聖  
人革一代之弘制垂千載之遺風則非聖不立然則聖  
人之在世吐言則爲訓辭莅事則爲物軌運通則與時

隆理喪則與世弊矣是以大爲之論以標其旨物必有宗事必有主寄責於聖人而遣累乎陳迹也故化之以絕聖棄智鎮之以無名之樸聖教救其未老莊明其本本末之塗殊而爲教一也人之迷也其日久矣見刑者衆及道者尠不覲千仞之門而逐適物之迹逐迹逾篤離本逾遠遂使華端與薄俗俱興妙緒與淳風並絕所以聖人長潛而迹未嘗滅矣懼後進或其如此將越禮棄學而希無爲之風見義教之殺而不覲其隆矣畧言所懷以補其闕引道家之弘旨會世教之適當義不違本言不流放庶以祛困蒙之蔽悟一徃之惑乎

茫茫太初悠悠鴻荒蚩蚩萬累與道兼忘聖迹未顯賢名不彰怡此鼓腹率我倡任資生既廣群塗思通習貫師明匪余求蒙遺已濟物而天下爲公大庭唱基義典

宏贊立位時成離暉大觀澤洽兩濡化流風散比屋同塵而人罔憊亂爰暨中古哲王胥承質文代作禮統迭興事藉用以繁化因阻而凝動非性擾靜豈神澄名之攸彰道之攸廢乃損所隆乃崇所替刑作由於德衰三辟興乎叔世既敦既誘乃矯乃厲敦亦既備矯亦既深彫琢生文抑揚成音群能騁技衆巧竭心野無陸馬山無散林風罔不動化罔不移人之矢德反正作奇乃放欲以越禮不知希競之爲病違彼夷塗而遵此險徑狡兔陵岡游魚遁川至曠深妙大象幽玄棄餌取且而責功蹄筌失統喪歸而寄旨忘言政異徵亂拔本塞源遁迹末日尋響窮年刻意離性而失其常然世有險夷運

有通圯損益適時升降惟理道不可以一日廢亦不可以一朝擬禮不可爲千載制亦不可以當年止非仁無以長物非義無以齊耻仁義固不可遠去其害仁義者而已力行猶懼不逮希企邈以遠矣室有善言應在千里況平行止復禮克已風人司箴敬貽君子

尚書箴

張茂先

明明先王開國成家作制垂憲仰觀列曜府令百官政用罔憊昔舜納大麓七政以齊內成外平而風雨不迷仲山翼周靡剛靡柔補我袞闕正我王猷王猷允塞而四海咸休雖曰聖明必資良材無曰我智官不任能發言如絲其出成綸千里之應樞機在身世季道缺天綱縱替旣無老成改舊法制法制不修不長厥裔尚宣十二年春楚子臨于大宮且巷出早吉國人大臨守陴者皆哭楚子退師鄭人脩城進復圍之三月克之入自皇門至于達路鄭伯肉袒牽羊以迎曰孤不天不能事君使君懷怒以及敝邑孤之罪也敢不唯命是聽其俘諸江南以實海濱亦唯命其翦以賜諸侯使臣妾之亦唯命若惠顧前好徵福於厲宣栢武不泯其社稷使改事君夷於九縣君之惠也孤之願也非所敢望也敢布腹心君實圖之左右曰不可許也得國無赦王曰其君能下人必能信用其民矣庸可幾乎退三十里而許之平潘廼入盟子

良出質夏六月晉師救鄭荀林父將中軍先穀佐之士會將上軍卻克佐之趙朔將下軍欒書佐之趙括趙嬰

齊爲中軍大夫鞏朔韓穿爲上軍大夫荀首趙同爲下  
軍大夫韓厥爲司馬及河間鄭既及楚平栢子欲還曰  
無及於鄭而勦民焉用之楚歸而動不後隨武子曰善  
會聞用師觀彙而動德刑政事典禮不易不可敵也不  
爲是征楚君討鄭怒其貳而哀其卑叛而伐之服而舍  
之德刑成矣伐叛刑也柔服德也二者立矣昔歲入陳  
今茲入鄭民不罷勞君無怨讟政有經矣荆尸而舉商  
農工賈不敗其業而卒乘輯睦事不奸矣蒞爲宰擇  
楚國之令典軍行右轅左追殤前茅慮無中權後勁百  
官象物而動軍政不戒而備能用典矣其君之舉也內  
姓選於親外姓選於舊舉不失德賞不失勞老有加惠  
旅有施舍君子小人物有服章貴有常尊賤有等威禮  
臺敢言侍衛

廣文選卷第七十

江都葛澗校